



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1312 Usque Ad Annum 1351

**Fleury, Claude**

**August. Vind. [u.a.], 1767**

**VD18 9011826X**

§. 62. Petro Arragonio adjudicatur Sicilia.

---

[urn:nbn:de:hbz:466:1-66305](https://nbn-resolving.org/urn:nbn:de:hbz:466:1-66305)

Sæcul. XIV.  
A. C. 1338

Fanum S. Marci Bertrando Deucio, ædem Sanctorum Quatuor Coronatorum Guilielmo Curtio, templum S. Stephani in monte Cælio Guilielmo Daurio commisit Papa. Hæc testatur scriptor coævus, scilicet Cardinalis Jacobus Cajetanus in suo codice ceremoniarum Curiae Romanæ.

§. LXII.

*Petro Arragonio adjudicatur  
Sicilia.*

*Rayn. 1339.*  
*n. 44. 45. &c.*  
*S. Vill. l. II.*  
*c. 70.*

*Rayn. 1337.*  
*n. 26.*

*Id. 1338.*  
*n. 33.*

Interea Gotius primus e novis Cardinalibus, & Ratherius Episcopus Vasio-  
nensis in Siciliam delati premebant Pe-  
trum Arragonium se gerentem pro Rege  
hujus insulæ. Is erat maximus natu fi-  
lius Friderici 24 Junii anno 1337 mortui,  
postquam Petrum se vivo coronari cura-  
verat, etsi prope insanus erat. Tum  
Rex Robertus erectus in spem recupe-  
randæ Siciliæ ad Papam Benedictum  
hac super re scripsit: qui 28 Augusti re-  
posuit se nihil ejus damno fieri passurum,  
sed omni ope ac opera ipsi affore. Ar-  
ragonix Princeps, qui se dicebat Petrum II  
Siciliæ Regem, a Papa Benedicto inau-  
gurationem in novam dignitatem popo-  
scit per duos Equites, quibus traditum  
mandatum postremo Martii an. 1338 scri-  
ptum

ptum erat. At Rex Neapolis Robertus Sæcul. XIV. A.C. 1339.  
 itidem ad Papam misit, qui Siciliam soli, quoad viveret, Friderico, non hujus posteris concessam exponeret, peteretque ab illo justitiam tanquam supremo hujus regni Domino.

Papa Gotium Constantinopolis Pa- Id. n. 36.  
 triarcham honorarium, & Ratherium E-  
 piscopum Vasionensem in Italiam misit  
 fuis cum litteris: in quibus rem Siciliae Sup. lib. 87. §. 65.  
 repetit ab ejus occupatione per Petrum I  
 anno 1282 facta. Tum refert pactionem L. 90. §. 23.  
 Caroli Claudi cum Friderico per Bonifa-  
 cium VIII confirmatam anno 1303. Ad- Rayn. n. 42. 45.  
 jungit: Id pactum Fridericus violavit sæ-  
 pius, præsertim dum Petrum filium natu-  
 maximum jussit coronari Regem Siciliae,  
 ac hujus hæredem testamento instituit,  
 cum tamen pro se solo eam obtinuerit.  
 Imperamus itaque vobis Nunciis nostris,  
 ut vos transferatis in Siciliam, & ibi edi-  
 catis, Petrum Arragonium cæterosque  
 Friderici filios amisisse hanc insulam;  
 quippe quæ ad Romanam Ecclesiam re-  
 versa, ideoque cum altera regni parte,  
 nempe cum Sicilia, cis fretum conjuncta  
 denuo pertineat ad Regem Robertum  
 tanquam verum Ecclesiae clientem fidu-  
 ciarium. Petro ac fratribus ejus stri-  
 ctissime præcipietis, ut Siciliam Regi Ro-  
 berto certum intra tempus restituant; a-  
 lioquin subituri sacras profanasque pœ-  
 nas

Secul. XIV. nas severissimas. Dabat 4 Julii anno  
A.C. 1339. 1338.

Kayn. 1339.  
n. 44.

Quocirca duo Nuncii Gotius & Rathe-  
rius petierunt Regium Julii, Italiae urbem  
Siciliae proximam, Messana tribus dunta-  
xat leucis intermedio freto distantem. Vi-  
gesimo quinto Septembris inde in Siciliam  
miserunt quatuor Fratres Minores: qui  
conscenso lembo, cum Messanam intrare  
vellent, hinc exclusi ducebantur ad Comi-  
tem Matthæum Palicianum urbi præse-  
ctum a Rege Petro. Adventus causam  
elocutos neque Messanam ingredi, neque  
allatas litteras cuiquam hominum osten-  
dere sinebat, Nunciis, si advenirent, & i-  
psi Papæ urbis aditum denegandum as-  
ferens. Ita per diem totum sine cibo ac  
potu detentos redire illuc, unde venerant,  
coëgit.

Nuncii proinde tertia Octobris ex au-  
thoritate Summi Pontificis declarabant,  
Petrum Arragonium & fratres ejus omne  
ad Siciliam jus perdidisse; jubebantque  
illos sub anathematis poena, si non pare-  
rent, eam Regi Roberto intra menses duos  
restituere, aut Terracinis, ubi rationes  
exponerent suas, post id tempus se sistere.  
Cum hoc exiisset, Nuncii quarto Decem-  
bris Terracinis aderant, Petroque ac fau-  
toribus ejus ut contumacibus scripto Ro-  
mana sacra interdicebant, menstruum per-  
mittentes spatium, antequam ferrent sen-  
tentiam.

tentiam. Illo elapso Nuncii die Martis Sæcul. XIV.  
 5 Jan. 1339 moram iterum prorogabant: A. C. 1339.  
 & tandem quinto Aprilis contra Petrum  
 ac partes ejus decretoriam pronunciarunt  
 sententiam: ut rei gestæ acta 7 Aprilis  
 ab eis perscripta docent. Atque is erat  
 totus eorum negotii fructus.

## §. LXIII.

*Hungariæ Regis religio.*

Carolus seu Charobertus Hungariæ Rex, Rayn. 1339.  
 Roberti Neapolitani Regis nepos in n. 82.  
 pueritia sua de suo jure ad regnum con-  
 troversiam moveri videns, sæpius se voti  
 religione adstrinxerat ad complendum  
 diebus certis certum numerum recitatio-  
 num precationis dominicæ, salutationis  
 angelicæ, ac illius, cui principium: *Sal-  
 ve Regina!* sic, ut eas hoc die centies, il-  
 lo ducenties diceret: quæ res oneri tan-  
 dem huic Principi erat habenti consilia,  
 regniq; sui negotia curanti. Quocirca  
 oravit Papam Benedictum, ut hæc vota  
 commutaret. Annuens iste quotidie has  
 eum preces quindecies recitare jussit ea  
 lege, ut duodecim pauperes aleret illis  
 diebus, quibus eas precandi formulas  
 crebrius quam quinquagies dicendas su-  
 scipisset. Litteræ 17 Jan. 1339 scriptæ  
 sunt, atque indicant, qualia illo tempore  
 viguerint exercitia pietatis.